



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Illvstrivm Miracvlorvm Et Historiarvm Memorabilivm Lib.
XII**

Caesarius <Heisterbacensis>

Antverpiae, 1605

De contritione nobilis iuuenis, qui Christum negauit, & per interceßionem
beatae virginis, gratiae restitutus est, cap. 12

urn:nbn:de:hbz:466:1-13177

IN FRA hoc quinquennium, iuxta Floressiā, cœnobium ordinis Præmonstratensis, in diœcesi Leodiensi, adolescens quidam nobilis habitauit, cui pater moriens, ut pote vir magnus & potens, multas diuitias reliquit. Faetus miles idem iuuenis, ut gloriā sibi cōquireret temporalem, in breui ad magnam deductus est paupertatem: causa enim laudis humanæ torneamentis totus deditus erat, histriοnibus larga manu sua tribuebat, & quia ad tales effusiones redditus anni minus sufficiebant, hæreditatem paternam vendere cōpellebatur. Erat autē in proximo manens miles quidam diues & honestus, ministerialis tamen, huic iuueni iam dictus allodia sive feuda sua partim vēdebat, partim in vadimonio exponebat. Et cūm iā non haberet quod venderet, vel exponeret, cogitabat exulare; tolerabilius iudicans inter extraneos mendicare, quam inter notos & affines egestatis cōfusionē sustinere. Habebat autē villicum, hominem quidem malignum, nomine nō re Christianum, & dæmonum ministerio totum mancipatum. Videns hic dominum suum tristem, & tristitiae non ignorans causam, dicebat ei: Domine vultis diues fieri? Respondit: libenter diues fierem, dummodo ipse diuitiæ esse possent cum Deo. Et villicus: Nolite timere, sequimini tantum me, & bene erit vobis. Statim secutus est miserum, tāquā serpentis vocē Eua, quasi sibilum aucupis auicula, in laqueū diaboli celerius deponendus. Et duxit eū in ipsa nocte per quoddam nemus, in locum palustrē, & cœpit quasi cum aliquo habere sermonem: cui iuuenis; Cum quo loqueris? Respondit domino suo villicus ille iniuitatis: Tacete tantum vos, nec sit vobis cura cum quo loquar. Cumque secundò loqueretur, & iuuenis iterato sciscitaretur, respōdit: Cum diabolo. Et cœpit iuuenis nimis horrere. Quem noa conuteret horror tali loco, in tali hora, & de tali sermone? Dicebatque villicus diabolo: Domine, ecce virum hunc nobilem dominum meum adduxi gratiæ vestre,

72 DE CONTRITIONE

maiestati vestræ supplicans, vt vestro auxilio pristinis honoribus atque diuitijs restitui mereatur. Ad quem diabolus: Si mihi voluerit esse deuotus ac fidelis, dabo ei diuitias magnas, insuper addam gloriam & honores, quales non habuerunt patres eius. Respondit villicus: Libenter vobis obsequiosus erit & fidelis, si talia fuerit consecutus. Et ille: Si voluerit ista à me consequi, abrenuntiare debet in instanti altissimo. Quod cū iuuenis audiret, & facere renueret, dicebat homo ille perditionis: Quid timetis proferre verbum vnum? dicite abrenuncio. Tandem miser iuuenis à villico persuasus, cretorem suum ore suo negauit, manu exfestucauit, diabolo homagium faciens. Hoc scelere perpetrato, diabolus adiecit: Adhuc opus imperfectum est, etiam abrenuntiare debet matri altissimi; illa est enim quæ maximum nobis infert damnum; quos filius per iustitiam abjicit, mater, quia nimis misericors est, ad indulgentiam reducit. Sibilauit iterum serpens in aure adolescentis, vt domino suo in hoc obediret, vt sicut filium ita etiam & matré abnegaret. Ad quod verbum iuuenis nimis expauit, turbatusq; supra modum, respondit: Hoc nunquam faciam. Quare, inquit villicus, fecisti quod maius est, facite nunc quod minus est: maior est creator, quam creatura. Et ille: Nunquam eam negabo, etiamsi me oportuerit ostiatim mendicare per omnes dies vitæ meæ; & non acquiescit. Sicque infecto negotio, ambo reuersi sunt, nihil quidem honoris consecuti, sed maximo peccati pondere grauati, villicus suadendo, iuuenis consentiendo. Pergentes verò simul, venerunt ad quandam ecclesiā, cuius ianuam capanarius exiens reliquerat semiclausam: mox iuuenis desiliens de equo commisit eum villico, dicens: Expecta me hīc, donec reuertar ad te, & intrans ecclesiam ante ortum auroræ, prostrauit se ante altare, & ex intimo corde ipsam matrem misericordiæ cœpit inuocare: erat autem super altare imago ipsius virginis & matris Mariæ puerum Iesum in sinu tenens: & ecce, meritis ipsius præclarissimæ stellæ maris, verus lucifer oriri cœpit in corde sacerdoti adolescentis:



Iescentis: tantam ei Dominus propter honorem matris, quam non negauerat, contritionem donare dignatus est, ut pro fletu rugiret, & planctu nimis clamoribus ecclesiam repleret. Eadem hora supradictus miles, qui omnia eius bona habebat, diuino ut creditur nutu, ad ecclesiam duxerit, & cum videret apertam, putans ibi diuinam celebrari, maximè propter clamores intrinsecus, solus intrauit; inueniensque coram altari iuuenē sibi bene notū lachrymantem, & putans quia suam solummodo defleret calamitatem, retro quandam columnam secessit, rei exitum expectans. Cumque terribilem illam maiestatem, quam negauerat, nominare vel inuocare non auderet, sed tātum piissimam eius genitricem lacrymosis vocibus pulsaret, utroque audiente, per os imaginis suæ, beata & singularis Christianorum aduocata filio loquebatur in hæc verba: Dulcissime fili, miserere huic homini. Puer vero matri nil respondit, faciem ab ea auertens: cumque iterum rogaret, hominem seductum asserens, matri dorsum vertit, dicens: Homo iste negauit me, quid ei faciam? Post hæc verba imago surrexit, puerum suum super altare posuit, eiusque pedibus se prona prostrauit, & ait: Rogo fili, ut propter me dimittas eī peccatum hoc. Mox infans matrem eleuans, respōdit illi: Mater, nunquam tibi aliquid negare potui, ecce propter te totum dimitto. Prius dimiserat culpam, propter contritionem, deinde pœnam peccati, propter matris intercessionem. APOLLONIVS: Quare tam durus dilecta matri fuit? CAESARIVS: Ut iuueni ostenderet, quantum in se peccasset, & ut per dolorem cordis amplius in se peccatum ipsum puniret. Surgens autem iuuenis, exiuit de ecclesia, tristis quidem de culpa, sed hilarijs de indulgentia. Exiuit post eum sacerdus miles latenter, & quasi rēm ignoraret, quælinus quare tam humidos & tam tumidos oculos haberet, respondit: De vento est. Et ille: Domine, non me latet causa tristitiae vestræ; habeo unicam filiam, si vultis illam ducere in vxorem, omnia vestra vobis cum illa restituam, insuper & diuitiarum mearum heredem.

74 DE CONTRITIONE

vos instituam. Ad hoc iuuenis laetus effectus, respon-
dit: Si hoc facere dignaremni, plurimum mihi place-
ret. Reuersus miles ad vxorem suam, rem ei per ordi-
nem retulit, cōsensit illa, nuptiæ celebrantur, iuueni
sub nomine dotis omnia sua restituuntur. Adhuc, ut
puto, viuit, viuunt & saceri, post quorū mortē, eorum
hæreditas ad ipsum reuertetur. APOLLONIVS: Multum
iuuenis iste regratiari tenetur beatæ Virgini, quia per
ipsam meruit remissionem peccatorū, insuper & con-
solationem temporalium bonorum. CÆSARIVS: Verū
dicas, quia ipsa intercedente Dominus cordi eius in-
fudit contritionem, per quam peccati meruit remis-
sionem; pœna etiam peccati, ipsa intercedente, iuue-
nre audiente, dimissa est. Ecce homo iste grauissimè
cecidit, sed cæteris, de quibus supradictū est, celerius
surrexit; cecidit intempesta nocte, surrexit in mane.
APOLLONIVS: Quid tibi videtur de his, qui in fide cō-
teruntur? CÆSARIVS: Audi de hoc non meam, sed
beati Augustini sententiam, ait enim sic:

CAPUT XIII.

*De pœni-
ten. qua-
fit in fine
vita.*

Si quis positus in ultima necessitate voluerit acci-
pere pœnitentiam, & accipit, & mox reconcilia-
tur, & hinc vadit, fateor vobis, non illi negamus
quod petit, sed non præsumimus quia bene hinc exit,
Si se curus hinc exit, ego non sum securus. Pœnitentiā
dare possum, securitatem dare non possum. Nun-
quid dico, damnabitur? non dico. Sed dico etiam libe-
rabitur? Non. Vis te de dubio liberare? vis quod incer-
tum est, euadere? Age pœnitentiam dum sanus es. Si
sic agis, securus es, quia pœnitentiam egisti eo tempo-
re, quo & peccare potuisti. Si vis agere pœnitentiam
tunc, quando peccare non potes, peccata dimiseruat
te, non tu illa. Item: Duæ res sunt; aut ignoscitur tibi,
aut non ignoscitur. Quid horum tibi futurum sit, ne-
ficio. Ergo tene certum, dimitte incertum.

CAPUT XIV.

DI C A M tibi quid ante paucos annos contigit
in domo nostra: Conuersus quidam H̄ericus
nomine, homo senex, & secundum ingressum
prior